

天聖明道本國語

吉

天聖明道本國語

卷一

函

第二冊

1023

1163

丹東市圖書館

天聖明道

本國語

光緒丙申荷夏月

上海鴻寶堂石印

重刊明道二年國語序

乾隆己丑予在都門時東原師有北宋禮記注疏及明道二年國語皆假諸蘇州涵蘭堂朱大文游所照校者予復各照校一部嗣奔走四方無讀書之暇辛丑乃自蜀歸金壇又過橫並侵擾不能讀書壬子乃避居於蘓頗多同志黃君堯圃其一也常熟錢氏從明道二年刻本影鈔者在其家顧君千里細意校出讀之始知外間藏書家國語皆自謂明道二年本而譌謬奪漏舛差乖異皆傳校而失其真者也今年堯圃用原鈔付梓以公同好此書之真面目始見因思北宋禮記注疏當年惠松崖先生用吳企晉舍人所藏刻本照校流傳今刻本間在曲阜孔氏安得如國語之不失其真也或曰此本瑜瑕互見安必其勝於宋公序氏所定之本耶余曰凡書必有瑕也而後以校定自任者出焉校定之學識不到則或指瑜為瑕指瑕為瑜而舛類更甚轉不若多存其未校定之本使學者隨其學之淺深以定其瑜瑕而瑜瑕之真固在今公序所據之本皆亡惟此巋然獨存其譌誤誠當為公序所黜而其精粹又未必為公序所采是以堯圃附之校證持贈同人此存古之盛心讀書之善法也古書之壞於不校者固多壞於校者尤多壞於不校者以校治之壞於校者久且不可治邢子才曰誤書思之更是一適以善思為適不聞以擅改為適也余既喜是書之出也因舉余舊得是書之難堯圃今刊是書之意用揭於篇首嘉慶五年歲在庚

申三月長塘湖居士段玉裁序

Blank manuscript area with vertical lines.

國語之存於今者以宋明道二年槧本為最古錢遵王讀書敏求記舉周語
昔我先王世后稷及皆免胄而下拜二事證今本之誤是固然矣予於敏求所
記之外復得四事周語替獻曲注曲樂曲也今本曲皆作典高位實疾顛今本
顛作債鄭語依時歷華今本華作莘吳語王孫雒今本雒作確此皆灼然信
其當從古者今世盛行宋公序補音而於此數事並同今本則公序所槧正
未免失之稍疏至如荆嬌之譌為荊嬌補音初無荊字是公序本未誤然不
得此本校書家未敢決荊之必為荊予嘗論古本可寶古本而善乃真實於
此本見之矣吳門黃孝廉堯圃得是書而寶之又欲公其實於斯世乃令善工
重彫以行別為札記志其異同凡字畫行款畫從其舊即審知豕亥爛脫但於
札記止之而不易本文益用鄭康成注樂記中庸之例宋世館閣校刊經史卷
末多載增損若干字改正若干字其所增改未必皆當而古字古音遂失其傳
予嘗病之讀堯圃斯刻歎其先得我心可以矯近世輕改古書之弊其為功
又不獨在一書而已也嘉慶五年三月十二日竹汀居士錢大昕書

國語解敘

昔孔子發憤於舊史垂法於素王左丘明因聖言以據意託王義以流藻其淵
原深大沉懿雅麗可謂命世之才博物善作者也其明識高遠雅思未盡故復
采錄前世穆王以來下訖魯悼智伯之誅邦國成敗嘉言善語陰陽律呂天時
人事逆順之數以爲國語其文不主於經故號曰外傳所以包羅天地探測禍
福發起幽微章表善惡者昭然甚明實與經藝並陳非特諸子之倫也遭秦
之亂幽而復光賈生史遷頗綜述焉及劉光祿於漢成世始更考校是正疑謬
至於章帝鄭大司農爲之訓注解疑釋滯昭晰可觀至於細碎有所闕略侍中
賈君數而衍之其所發明大義略舉爲已憭矣然於文間時有遺忘建安黃
武之間故侍御史會稽虞君尚書僕射丹陽唐君皆英才碩儒洽聞之士也采
摭所見因賈爲主而損益之觀其辭義信多善者然所理釋猶有異同昭以末
學淺闇寡聞階數君之成訓思事義之是非愚心頗有所覺今諸家並行是非
相質雖聰明踈達識機之士知所去就然淺聞初學猶或未能祛過切不自料
復爲之解因賈君之精實採虞唐之信善亦以所覺增潤補綴參之以五經檢之

以內傳以世本考其流以爾雅齊其訓去非要存事實凡所發正三百七事又諸家紛錯載述為煩是以時有所見庶幾頗近事情裁有補益猶恐人之多言未詳其故欲世覽者必察之也

周

上中下

魯

上四下五

齊

一六 武七獻八惠九文十襄十一厲十二悼十三平十四昭十五

鄭

十六

楚

十七上十八下

吳

十九

越

二十上二十一下

國語卷第一

周語上

韋氏解

穆王將征犬戎

穆王周康王之孫昭王之子穆王滿也征正也上討下之稱犬戎西戎之別名也在荒服之中

祭公謀父諫曰不可

祭公內之國周公之後也為王卿士謀父字也傳曰

凡蔣邪茅胙祭周公之膚矣

先王耀德不觀兵

耀明也觀示也明德尚道化也不示兵者有大罪惡然後致誅不以小小示威武也

夫兵戢而時動動則威

戰聚也威畏也時動謂三時務農一時講武守則有財征則有威

觀則玩玩則無震

震懼也

是故周文公之頌曰

文公周公旦之謚也頌時邁之詩也武王既伐紂

周公為作此詩巡守告祭之樂歌也

載戢干戈載櫜弓矢

載則也干楯也戈戟也櫜韜也言天下已定聚斂其干戈韜藏其弓矢示不復用也

我求懿德肆于

時夏

懿美也肆陳也于於也時是也夏大也言武王常求美德故陳其功德於是夏而歌之樂章大者曰夏

允王保之

允信也信武王能保此時夏之美

先王之於民也懋正

其德而厚其性

懋勉也性情性也

阜其財求

阜大也大其財求不墮墜也

而利其器用

器兵甲也用耒耜之屬也

明利害之鄉

示之以好惡也鄉方也

以文修之

文禮法也

使務利而避害懷德而畏威故能保世以滋大

保守也滋益也

昔我

先王世后稷

后君也稷官也父子相繼曰世謂棄與不密也

以服事虞夏

謂棄為舜后稷不密繼之於夏啓也

及夏之衰也棄稷不務

棄廢也稷謂啓

子太康廢稷之官不復務農也書序曰太康失邦昆弟五人須於洛汭

我先王不密用失其官

失稷官也不密棄之子也周之神給文武不先不密故通謂之王商頌亦以契為玄王也

而

自竄于戎狄之間

竄匿也堯封棄於郕至不密失官去夏而遷於郕郕西接戎北近狄也

不敢怠業時序其德纂修其緒

也緒事也

修其訓典

訓教也典法也

朝夕恪勤守以敦篤奉以忠信

弁世載德不忝前人

弁弁前人也載成也忝辱也

至于武王昭前之光明而加之以慈和事神保民莫弗欣喜

保養也

商王帝辛大惡於民

號也帝辛紂名大惡大為民所惡也

庶民不忍欣戴武王以致戎于商牧

戴奉也成兵也牧商郊牧野

是先王非務武也勤恤民

隱而除其害也

恤憂也隱痛也

夫先王之制邦內甸服

邦內謂天子畿內千里之地商頌曰邦畿千里維民所止王制曰千里之內曰甸京邑在其中中央故夏書曰五百里甸服則古今同

矣甸王田也服服其職業也自商以前并畿內為五服武王克殷周公致太平因禹所弼除甸內更制天下為九服千里之內謂之王畿王畿之外曰侯服侯服之外曰甸服今謀父諫穆王稱先王之制猶以王畿為甸服者甸古名世俗所習也故周襄王謂晉文公曰昔

我先王之有天下也規方千里以為甸服是也周禮亦以蠻服為要服足以相況也

邦外侯服

邦外邦畿之外也方五百里之地謂之侯服侯服侯侯也言諸侯之近者歲一來見也

侯衛賓服

此摠言之也侯侯圻也

衛衛圻也言自侯圻至衛圻其間凡五圻圻五百里五五二千五百里中國之界也謂之賓服常以服貢賓見於王也五圻者侯圻之外曰甸圻甸圻之外曰男圻男圻之外曰采圻采圻之外曰衛圻周書康誥曰侯甸男采衛是也凡此服數諸家之說皆

紛錯不同唯賈君近之

夷蠻要服

蠻蠻圻夷夷圻也周禮衛圻之外曰蠻圻去王城三千五百里九州之界也夷圻去王城四千里周禮行人職衛圻之外謂之要服此言夷蠻要服則夷圻朝貢或與蠻圻同也要者要結好

信而服從也

戎狄采服

戎狄去王城四千五百里至五千里也四千五百里為鎮圻五千里為藩圻在九州之外荒裔之地與戎狄同俗故謂之荒荒忽無常之言也

甸服者祭

供日祭也此采地之君其見無數

侯服者祀

供月祀也堯舜及周侯服皆歲見也

賓服者享

供時享也享獻也周禮甸圻二歲而見男圻三歲而見采圻四歲而見衛圻五歲而見其見也必以所貢助祭於廟孝經所謂四海之內各以其職

來祭者也

要服者貢

供歲貢也要服六歲見也

荒服者王

王王事天子也周禮九州之外謂之蕃國世一見各以其所貢貢為贄故詩云自彼氐羌莫敢不來王

日祭

日祭祭於祖考謂上食也近漢

亦月祀月祀於會高也時享時享於二祀也歲貢歲貢於壇墠也終王終謂終世也朝嗣王及即位而來見先王之訓也有不祭則修意

意也謂邦國之內有違闕不供日祭者先修志意以自責也圻內近知王意有不祀則修言言號令也有不享則修文文典法也有不貢則修名名謂尊卑職貢之名號也晉語曰信於名則上下不干也

則有刑誅於是乎有刑不祭伐不祀遠人不服則修文德以來之序成而有不至則修刑序成謂上五者次序已成而有不至

有刑罰之辟刑不祭也有攻伐之兵伐不祀也有征討之備征不享也有威讓之令讓不貢也有文告之辭讓不貢也

告不王也布令陳辭而又不至則增修於德而無勤民於遠勤勞也是以近無不聽遠無不

服今自大畢伯士之終也大畢伯士大戎氏之二君也終卒也犬戎氏以其職來王以其職謂其嗣子天子曰子必以其貴寶來見王天子曰子必以

不享征之且觀之兵享實服之禮以責大戎而示之兵法也其無乃廢先王之訓而王幾頓乎幾危也頓敗也吾聞夫

犬戎樹惇樹立也言大戎立性惇樸帥舊德而守終純固帥循也純專也固一也言大戎循先王之舊德奉其常職天性專一終身不移不聽穆王責其不享也其有

以禦我矣禦猶距也王不聽遂征之得四白狼四白鹿以歸白狼白鹿犬戎所貢自是荒服者不至穆王責大

戎以非禮暴兵露師傷威毀信故荒服者不至

恭王遊於涇上密康公從恭王穆王之子恭王伊扈也涇水名康公密國之君姬姓也有三女奔之奔不由媒氏也三女同姓也其母曰必致

之於王康公之母欲使進於王夫獸三為羣自三以人三為衆為羣女三為粲粲美貌也王田不取羣不盡羣也易曰王用三驅失前

禽也公行下衆公諸侯也下衆不敢誣衆也禮王御不參一族御婦官也參三也一族父子也故取異姓以備三不參一族也夫粲美之物也

也

衆以美物歸女而何德以堪之也堪任王猶不堪況爾小醜乎醜類也王者至尊猶且不堪況爾小人之類乎小醜備

物終必亡言德小而物備終取之必亡康公不獻一年王滅密密今安定陰密縣是也近涇

厲王虐國人謗王厲王恭王之曾孫夷王之子厲王胡也謗誹也邵公告曰民不堪命矣邵公邵康公之孫穆公虎也爲王卿士言民不堪暴虐之政令王怒

得衛巫使監謗者衛巫衛國之巫也監察也巫人有神靈有謗必知之以告則殺之王則殺之國人莫敢言道路以目不敢

發言以目相眄而已王喜告邵公曰吾能弭謗矣乃不敢言弭止邵公曰是障之也障防防民之口甚

於防川流者曰川言川不可防而口又甚也川壅而潰傷人必多川之潰決害於人也民亦如之民之敗亂害於上也是故爲川者決之使

導爲治也導通也爲民者宣之使言宣猶放也觀民所言以知得失故天子聽政使公卿至於列士獻詩獻詩以風也列士上士也

瞽獻曲無目曰瞽瞽樂師曲樂曲也史獻書史外史也周禮外史掌三皇五帝之書師箴師少師也箴箴刺也王闕以正得失也瞽賦無眸子曰瞽賦公卿列士所獻詩也瞽誦有

子而無見曰矇周禮矇主弦歌誦誦箴諫之語也百工諫百工執技以事上者也諫者執藝事以諫謂若匠師慶諫魯莊公丹楹刻桷也庶人傳語庶人卑賤見時得失不得達傳以語士也近臣盡

規近臣謂矇僕之屬也盡盡其規計以告王也親戚補察補補過察察政也傳曰自王以下各有父兄子弟以補察其過也瞽史教誨瞽樂太師史太史也掌陰陽天時禮法之書以相教誨者單襄公

曰吾非瞽史焉知天道耆艾修之耆艾師傳也師傳修理瞽史之教以聞於王也而後王斟酌焉斟酌也酌取也是以事行而不悖悖逆也民之有

口猶土之有山川也財用於是乎出猶若也山川所以宣地氣而出財用口亦宣人心而言善敗也猶其原隰之有衍沃也衣食於

是乎生廣平曰原下濕曰隰下平曰衍有溉曰沃口之宣言也善敗於是乎興行善而備敗民所善者行之民所敗者備之其所以阜

財用衣食者也阜厚也夫民慮之於心而宣之於口成而行之胡可壅也若壅其口其與能

幾何

與辭也能幾何言不久也

王不聽於是國莫敢出言三年乃流王於羑

流放也羑晉地漢屬縣屬河東今曰永安

厲王說榮夷公

說好也榮國名夷謚也

芮良夫曰

芮良夫周大夫芮伯也

王室其將卑乎

卑微也

夫榮夷公好專利而不

知大難

專擅也

夫利百物之所生也

利生於物也專利是專百物也

天地之所載也

載成也地受天氣以成百物也

而或專之其害多

矣

害謂惡害榮公者多也孔子曰放於利而行多怨

天地百物皆將取焉胡可專也

天地成百物民皆將取用之何可專其利也

所怒甚多而不

備大難以是教王王能久乎夫王人者將導利而布之上下者也

導開也布賦也上謂天神下謂人物也使

神人百物無不得其極

極中也

猶曰怵惕懼怨之來也

怵惕恐懼也

故頌曰思文后稷克配彼天立

我蒸民莫匪爾極

頌周頌思文也謂郊祀后稷以配天之樂歌也經緯天地曰文克能也蒸衆也莫無也匪不也爾女也極中也言周公思有文德者后稷其功乃能配於天謂堯時洪水稷播百穀立我衆民之道無不

於女時得其中者功至大也

大雅曰陳錫載周

大雅文王之二章也陳布也錫賜也言文王布賜施利以載成周道也

是不布利而懼難乎

言后稷文王既布利又懼難也

故能載周以至于今今王學專利其可乎

言不可也

匹夫專利猶謂之盜王而行之其歸

鮮矣

鮮寡也歸附周者鮮矣

榮公若用周必敗既榮公爲卿士

既已也卿士卿之有事者

諸侯不享王流于子城

享獻也

彘之亂宣王在邵公之宮

宣王厲王之子宣王靖也在邵公之宮者避難奔邵公也

國人圍之邵公曰昔吾

驟諫王王不從是

以及此難

及至也

今殺王子王其以我爲對

音壁

而怒乎

殺王子命國人得殺之也

夫事君者險而不對

君諸侯也在險之中

不當對對謂若晉慶鄭怨惠公懷諫違卜棄而不載

怨而不怒況事王乎

怨心望也怒作氣也

乃以其子代宣王宣王長而立之

最之

卿相與和而修政事號曰共和凡十四年而宣王立

宣王即位不籍千畝籍借也借民力以爲之天子田籍千畝諸侯百畝自厲王之末籍田禮廢宣王即位不復古也號文公諫曰賈侍中云文公文王母弟號仲之後爲王卿士昭謂號叔之後西號

也及宣王都籍在畿內也不可夫民之大事在農穀民之命故農爲大事也上帝之次米盛於是乎出出於農也器實曰民之蕃

庶於是乎生蕃息也庶衆也事之供給於是乎在供具也給足也和協輯睦於是乎興協合也輯聚也睦親也財用蕃殖

於是乎始殖長也敦龐純固於是乎成敦厚也龐大也是故稷爲大官民之大事在農故稷之職爲大官也古者太史順

時視音土陽瘳反憤盈土氣震發視視也瘳厚也憤積也盈滿也震動也發起也農祥晨正農祥房星也晨正謂立春之日晨中於午也農事之候故曰農祥也

日月底于天廟底至也天廟營室也孟春之月日月皆在營室也土乃脉發脉理也農書曰春土長胃先時九日先立春日也太史告

稷曰自今至于初吉初吉二月初日也詩云二月初吉陽氣俱蒸土膏其動蒸升也土膏潤也其動潤澤欲行也弗震弗渝脉

其滿眚穀乃不殖震動也渝變也眚災也言陽氣俱升土膏欲動當即發動變寫其氣不然則脉滿氣結更爲災疫穀乃不殖也稷以告以太史之言告王王曰史帥

陽官以命我司事史太史陽官春官司事主農事也曰距今九日土其俱動距去也王其祗被監農不易祗敬也

齊戒祓除也不易不易物土之宜也王乃使司徒咸戒公卿百吏庶民百吏百官庶民甸師氏所掌之民也主耕耨王之籍田者司空除壇于

籍司空掌地也命農大夫咸戒農用農大夫田畯也農用田器也先時五日先耕時也瞽告有協風至瞽樂太師知風聲者也協和也

風氣和時候至也立春日融風也王即齋宮所齋之宮也百官御事各即其齋三日御治也王乃淳反濯饗醴

淳沃也濯澣也饗飲也謂王沐浴飲醴酒也及期期耕日也極鬱人薦鬯鬱鬱鬱鬱金香草宜以和鬯酒也周禮鬱人掌裸器凡

犧人司樽犧人司樽掌共酒醴王裸鬯饗醴乃行裸灌也灌鬯飲醴皆所以自香潔也百吏庶民畢從及籍后稷監之監察也

膳夫農正陳籍禮膳夫上士也掌王之飲食膳羞之饋食農正田大夫也主穀陳籍禮而祭其神為農祈也太史贊王贊導也王敬從之王耕一

撥鉢伐二音班三之班次也王耕一撥一耦之發也耜廣五寸二耜為耦一耦之發廣尺深尺三之下各三其上也王撥公三卿九大夫二十七也庶民終於千畝終盡耕之也其后稷省

息并功太史監之司徒省民太師監之畢宰夫陳饗膳宰監之宰夫下大夫膳宰膳夫也膳夫贊

王王歆大牢歆饗也班嘗之公卿大夫也庶人終食終畢也是日也瞽師音官以風土音官樂官風土以音律省土風

風氣和則土氣養也廩于籍東南鍾而藏之廩御廩也一名神倉東南生長之處鍾聚也謂為廩以藏王所籍田以奉祭盛也而時布之于農布賦也

稷則徧誡百姓紀農協功紀謂綜理也協同也曰陰陽分布震雷出滯陰陽分布日夜同也滯蟄蟲也明堂月令曰日夜分雷乃發

聲始震雷蟄蟲咸動啓戶而出也土不備壅辟在司寇壅發也辟罪也在司寇司寇行其罪也乃命其旅曰徇徇衆也農師一之一之先往也農

師上士也農正再之農正后稷之佐田畯也故次農師后稷三之農官之君也故次農正司空四之司空主道路溝洫故次后稷也司徒五之司徒省民故次司空也太保

六之太師七之太保太師天子三公佐王論道汎監衆官不特掌事故次司徒也太史八之太史掌達官府之治故次太師也宗伯九之宗伯卿官掌相王之大禮若王不與祭則攝位故次太史也

王則大徇大徇帥公卿大夫親行農也耨穫亦如之如之如耕時也民用莫不震動恪恭于農用謂田器也修其疆畔日

服其鏹不解于時疆境也畔界也鏹鋤屬財用不乏民用和同是時也王事唯農是務無有求利於

其官以干農功求利謂變易使役于亂農功三時務農而一時講武三時春夏秋一時冬也講習也故征則有威守則有財

若是乃能媚於神媚說也而和於民矣則享祀時至而布施優裕也優饒也裕緩也今天子欲

修先王之緒而棄其大功置神之祀不耕籍也置神之祀不耕籍也困民之財取於民也將何以求福用民王不聽

三十九年戰于千畝王師敗績于姜氏之戎姜氏之戎西戎之別種四岳之後也傳曰我諸戎四岳之裔

魯武公以括與戲見王武公伯禽之子孫戲公之子肅公也王立戲以為太子樊仲山父諫曰不可立也仲山父王

卿士食采於樊不順必犯不順立少也犯魯必犯王命而不從也犯王命必誅故出令不可不順也令之不行政之不立政不行即

行而不順民將棄上使長事少故民必棄上也夫下事上少事長所以為順也今天子立諸侯而建其少

是教逆也若魯從之而諸侯效之王命將有所壅言先王立長之命將壅塞不行也若不從而誅之是自誅

王命也誅王命者先王之命立長今魯亦立長若誅之是自誅王命也是事也誅亦失不誅亦失誅之誅王命不誅則廢命也天子其圖之王卒

立之魯侯歸而卒及魯人殺懿公懿公也而立伯御伯御括也

三十二年春宣王伐魯立孝公孝公懿公之弟稱也諸侯從是而不睦從是而不相睦睦於王也宣王欲得國子之能

導訓諸侯者賈侍中云國子諸侯之嗣子或云國子諸侯之子欲使訓導諸侯之子唐尚書云國子謂諸侯能治國子養百姓者昭謂國子同姓諸姬也凡王子弟謂之國子導訓諸侯謂為州伯者也樊穆仲曰

魯侯孝穆仲仲山父之謚猶魯叔孫穆子謂之穆叔王曰何以知之對曰肅恭明神而敬事耆老耆老黎也賦事行刑

必問於遺訓遺訓先王之教也而咨於故實咨謀也故實故事之是者不干所問不犯所咨王曰然則能訓治

其民矣乃命魯孝公於夷宮命為侯伯也夷宮者宣王祖父夷王之廟古者爵命必於祖廟

宣王既喪南國之師喪亡也散于姜戎氏時所亡也南國江漢之間也故詩云滔滔江漢南國之紀乃料民於太原料數也太原地名也仲山父諫曰民不

可料也夫古者不料民而知其少多司民協孤終司民掌登萬民之數自生齒已上皆書於版協合也無父曰孤終死也合其名籍以登於王也司商

協民姓

司商掌賜族受姓之官商金聲清謂人姓次律合定其姓名也

司徒協旅

司徒掌合師旅之衆也

司寇協姦

司寇刑官掌合姦民以知死刑之數也

牧協職

周禮牧人

掌養犧牲合其物色之數也

工協革

工百工之官革更也吏制度者合其數

場協入

場人掌場園委積珍物斂而藏之也

廩協出

廩人掌九穀出用之數也

是則少多死生

出入往來者皆可知也於是乎又審之以事

事謂因籍田與蒐狩以簡知其數也

王治農於籍

籍籍於千畝田也

蒐于農

隙春田曰蒐蒐擇也禽獸懷妊未著搜而取之也農隙仲春既耕之後隙閑也

耨穫亦於籍

言王亦至於籍考課之

獮於既烝

秋田曰獮獮殺也順時始殺也烝升也月令孟秋乃外穀天子嘗新既外謂

仲秋也

狩於畢時

冬田曰狩狩圍守而取之畢時時務畢也

是皆習民數者也又何料焉

習簡也

不謂其少而大料之

是示少而惡事也

言王不謂其衆少而大料數之是示以寡少又厭惡政事不能修之意也

臨政示少諸侯避之

示天下以寡弱諸侯將避遠王室不親附也

治民

惡事無以賦令

言厭惡政事無以賦令也

且無故而料民天之所惡也

故事也天道清淨也

害於政而妨於後嗣

害政敗為政之

道也妨後嗣為將有禍亂也

王卒料之及幽王乃廢滅

幽王宣王之子幽王宮湜也滅謂滅西周也

幽王二年西周三川皆震

西周謂鎬京也幽王在焉郛岐之所近也三川涇渭洛出於岐山也震動也地震故三川亦動也川竭也

伯陽父曰周將亡矣

伯陽父周

大夫也夫天地之氣不失其序

序次也

若過其序民亂之也

過失也言民者不敢斥王也

陽伏而不能出陰迫

而不能烝烝升也陽氣在下陰氣迫之使不能升也

於是地有地震

陰陽相迫氣動於下故地震也

今三川實震是陽失其所而鎮陰

鎮爲陰所鎮竿也竿莊百反

陽失而在陰

陰在陰下也

川源必塞

地動則泉源塞

源塞國必亡

國依山川今源塞故國將亡也

夫水土演而民

水土氣通爲演演猶潤也

民之財用不亡何待

水氣不潤土枯不養故乏財用

昔伊洛竭而夏亡

竭盡也

也伊出熊耳洛出冢嶺禹都陽城伊洛所近

河竭而商亡

商人都衛河水所經

今周德若二代之季矣

二代之季謂桀紂也

其川源又塞塞